

剡源鄉志卷二

奉化趙霈濤 醉仙甫纂

山類

四明山 今名鑊鑿山新纂縣西一百五里康熙志高一萬

三千丈嘉靖志四十二引洞天福地記千岡萬崖巍

與天敵剡錄四面各產異木而皆不雜又山頂有池池

中有三層石臺石樓一名石柱云是四明山纜風處

乾道圖經二東接句章西連舜窟南嗣天台北包翠碣梅福

四明山記綿亘明越台三郡之境周回八百里二百八十

剡源鄉志 卷一 山類

一

峯峯峯相次上擬於莽蒼中頂五峯狀如蓮花疑近

星斗寶慶志四上有方石如窗中通日月星辰之光故曰

四明成化志由鄞小溪以上為東四明由餘姚而上為

西四明由奉化雪竇以入者則謂之四明山延祐志七即

仙家第九洞天第五十七福地康熙志

西南有五朵峯狀如芙蓉峯相望各去六里中為四

明山心五朵峯東一峯高六里周十里峯南一巖高

一丈深七尺中有石穴通泉流於梨洲穴生甘草又

多古杉柏瑞雲西一峯高四里南有石室下有石枰

相傳劉阮居之南一峯高三里有石壁壁出數穴生石乳北一峯高四里峯頂有天井雲氣吐吞

嘉靖志

其山頂極平正山南聳七十峯狀如驅羊其峯蹲者曰蹲羊水源十丈有神蛇居之吐靈氣如樓閣可禱

兩山足一澗南出一百二十里水歸鄞江

嘉靖志

案以上二條多屬剡源故另錄之

又案康熙志綿亘本郡之奉慈鄞紹興之姚虞新嵒台州之天台其云天台者此山發脈自天台也乾隆志改天台爲甯海甯海去四明山一

剡源鄉志

卷二 山類

二

百七十餘里似乎牽涉太遠

又案黃黎洲先生謂後割天台而別爲四明則四明之周回亦止一百八十里然祇就四明主山而論約不及百里若合計四明之支山則不止一百八十里也所望精於測量者實測其起訖而一一誌之

又案康熙志云周回八百餘里有七十二峯是指四明山之南面而言但提綱旣曰四明山自當就山之全體言之不得僅據一面以立說也

宜從寶慶志二百八十峯為正

又案徧詢黎洲北溪居民無專名一山為四明山者查遠近二三十里以鑊鑿山為最高東屬餘姚南屬奉之剡源西屬嵊縣北屬上虞天晴望之可見曹娥江石窗即在是山西南之腰覆卮山次之北屬上虞南屬嵊縣相量岡半屬鄞縣半屬奉之禽孝又次之是鑊鑿山正四明之主山也嘉靖志言其山頂極平正恰與鑊鑿之命名相似擬將登臨絕頂攜羅盤以正其所屬之方向也

剡源鄉志

卷二 山類

三

明沈明臣四明山遊記略土人前道者碎荆棘取徑南入二三里許山俯而復昂崖窮壁立蓋幾于切下睨潭水黑臨廁不敢窺窺輒眩厂稍西南向者亦皆立水滴滴垂腰穴而岫者四卽石窗也號稱四明者無徑路隨道者縱橫下上援竹樹匍匐至厂下石罅稍陂陀凸受手縮凹納趾蹠橫上十步達岫口是時日正亭午光不中入中岫稍深丈闊如之中臥一石隔為兩岫乃俯首入射曲不伸出厂口伸右岫僅容臥一二人者左岫容三四人臥石五色錯仰視若網狀亂石珠綴大者鼓如中者斗如小者丸如細者粒如中岫石一鼓如而平者題曰懸鼓厂口石一磬如而折者題曰垂磬中臥者題曰片雲厂口平立如壁者而不下盡題名及歲月右岫半壁陷者尺題曰藏書處余擬著一家言寫副本託是以藏之第恐山靈不我呵護矣字皆汪生手書分篆楷行草具惟懸磬仰書滴石乳作墨瀋云下視溪壑雖斗絕淫鸞然石藪藪草樹以故不甚怖愕第力罷少啖果餌氣稍充志所稱青樵子翰侯俱尋不獲翰侯猴也見人或深

剡源鄉志

卷二 山類

四

匿問土人雖老死亦無識青櫛子者鹿亭樊榭亦不可尋又云樊榭卽白水宮蓋在西四明云志稱二百八十峯四面各生一木東生梓西生松南生柏北生檉今亦無所辨莽莽榛榛蒼翠雜植無不有也無慮二百八十峯也爲巒爲嶂爲巖爲岫爲洞爲崦爲嶮爲岑爲嶠爲嶺爲岡爲壑爲谷爲谿爲澗爲瀑爲潭爲淵爲淵爲崎爲崖爲坻爲陵爲阜爲窪爲皋爲壘爲臺爲壇爲壝爲埒爲埳爲壟爲壑爲陁爲陁爲陁而節級者岭嶒深邃者駮駮而聳者嶸嶸而雍者屣屣者下侈上銳者上蓋下哆者首昂足斂者身縮手足舒者腰細而股大者棱層而峭削者端委而尊嚴者奔騰而去不留者怒發中止者戴土而崔嵬者戴石而岨者土石半者多草木而岨者無草木而童者蒼壁者赤而複者黃白而上下截者紫翠左右圻者嶧而屬蜀而獨者上正章者宛中隆者卑大扈小眾歸者岌者垣者堂者室者盛而防者墜而困者重甌而隳者屈而岸分者水之樛流者澄而紆瀟者溢而纒者岨者屈而岸分者水之樛流者澄而紆瀟者溢而纒者

有之乃踰脚躡嶺童岨半至徐鳧巖一日徐無巖陡下千尺瀑垂半壁忽內陷陷窮復突削廉故瀑濺作煙霧狀飛灑殊態若白日走怒雷三面壁匣句廉側窺而頭目眩煜竦聳神悸矣強起策而臨廁風倒激珠雨射霏霏溼人衣帽思從陔中仰視四山環阻谷口南入三十里回遠矣躊躇而去去十里復得一隱潭瀑視徐鳧巖三面亦壁匣小較徐鳧四之一級石而下仰視殊快心目云下復有二潭潭俱龍伏稱靈焉石齧人足不能去去又十里爲雪竇山曠然四豁紆紆城也闕其南關外青峯屹起若芙蓉撲翠是爲小晦山千丈巖瀑亦視徐鳧巖而下深過之半石忽作盤仰承瀑瀑至盤碎擊而玉屑飛聲吼空谷不雨而雷日光蕩射恍恍電上有飛雪亭瞰崖之阻故太守雲間沈公作遊記作詩碑焉風厲不可亭亭碑亦仆由亭西上爲妙高峯臺如峯各今毀有平敞地昔僧院云僧有道術虎伏求食嘗結藤龕棲其中峰石

隆然平者三盡處壁削奇峭望之巖巖也四面諸山
嶽峯險塞交錯如繡時陰晴互異色幻變誠妙且高
矣南望爲大小晦小晦近丹崖青壁信當界之仙都
記有寺爲奉慈院爲桃花俱不及尋從妙高還甘瀑
上而東兩山坳中亭碑宋理宗應夢名山御書入寺
路由此由山南轉下白泥岡下陘中臥對瀑布勝益
奇視隱潭宏而肆哉潭受瀑黝然沈沈廣可畝餘水
湄芙蓉叢生又曰生雷公藤白泥岡土獨聖餘土丹
國朝徐畹四明山遊記略由入山亭斜上雪竇觀應夢
各山碑度瀑上橋下輿二人扶而涉千丈巖俯窺瀑
布南上妙高峯峯上藤龕有石奇老人塔龕前巖平
衍廣三丈深過之盡處俱壁立高倍千丈巖去此南
下嶺十里爲亭下又上短嶺如誌所云鞠侯巖有鐫
字不及見又越百餘步徑廣僅三四尺長里許徑右
山巖從起左斗絕千尺復旋而左石壁峭拔嶙峋如
萬鳥攢狀飛瀑懸垂沈山人所謂三面壁匣句廉處
一俯臨已頓眩神悸矣是謂徐鼻巖其西南面山又
環相聳翠徑盡而下登踟躕嶺嶺上躊躇瞻眺山非

剡源鄉志

卷二 山類

五

岵非童僅草長半尺經霜後一變皆蒼乃朗誦樊川
山行詩而去去嶺下界溪爲鄞屬溪上有廟曰南溪
兩柏頗古水自南湖下西折至北溪復北折至大俞
取徑上山至一險窄極峻削處每一輿加二人前縮
後推相遞上盡其顛無路又下坡又忽陟巖忽走沿
山窄徑忽入榛棘叢中又忽遇陂陀巖石并無樵徑
可循以兩手捉輿人肩緣行如凍蠅略旋左卽見石
窗蓋岫穴也土人俱呼四窗巖壁立數十尋窗在山
腰窗下左右稜
稜疊大小石

唐施肩吾同諸隱者夜登四明山詩半夜披幽上四
明手攀松桂觸雲行相呼已到無人境何處玉簫吹
一聲○又宿四明山詩梁洲老人命余宿杳然高頂
浮雲平下視不知幾千仞欲曉不曉天雞聲○又憶
四明山泉詩愛彼山中石泉水幽尋夜落虛窗裏至
今憶得臥雲時猶是涓涓在人耳○又寄四明山子
詩高棲只在千峯裏塵世望君那得知
長憶去年風雨夜向君窗下聽猿時

劉長卿詩四明山絕奇自古說登陴蒼崖倚天立覆
石如覆屋玲瓏開戶牖落落明四日箕星分南野有
斗挂檐北日月居東西朝昏互出沒我來遊其間寄
傲巾半幅白雲本無心悠然伴幽獨對此脫塵鞅頓
忘榮與辱能笑天
曲寬仙風吹佩玉

陸龜蒙四明山九題詩并序謝遺塵者有道之士也
嘗隱於四明山之南雷一旦訪余來語不及世務且
曰吾得於玉泉生知子性誕逸樂神仙中書探海岳
遺事以期方外之交雖銅牆鬼炊虎獄劍餌無不窺
也今爲子語吾山之奇者有峯最高四穴在峯上每
天宇澄霽望之如戶牖相傳謂之石窗卽四明之目
也山中有雲不絕者二十里民皆家雲之南北每相
從謂之過雲有鹿亭有樊榭有潺湲洞木實有青櫺
子味極甘而堅不可碎破有猿山家謂之鞠侯其他
在圖籍不足道也凡此佳處各爲我賦詩因作九題
詩詩四十字謝省之曰玉泉生真不誣矣好事者爲
予傳之因呈襲美○石窗○石窗何處見萬仞倚晴

剡源鄉志

卷二 山類

虛積靄迷青瑣殘霞動綺疏山應列圓嶠宮便接方
諸祇有三吳客時來覈隱書○過雲○相訪一程雲
雲深路僅分嘯臺隨日辨樵斧帶風聞曉著衣全溼
寒衝酒不醺幾回歸思靜彷彿見蘇君○雲南○雲
南更有溪丹礫盡無泥藥有巴賓賣枝多越鳥啼夜
清先月午秋近少嵐迷若得山顏住芝筌手自攜○
雲北○雲北是陽川人家洞壑連壇當星斗下樓撈
翠微邊一半遙峯雨三條古井煙金庭如有路應到
左神天○鹿亭○鹿亭巖下置時領白麝過草細眠
應久泉香飲白多認聲來月塢尋迹到煙蘿早晚吞
金液騎將上絳河○樊榭○樊榭何年築人應白日
飛至今山客說時駕玉麟歸乳蒂懸松嫩芝藟出石
微憑闌虛目斷不見羽華衣○潺湲洞○石淺洞門
深潺湲萬古音似吹飛羽管如奏落霞琴倒穴漂龍
沫穿松濺鶴襟何人乘月弄應作上清吟○青櫺子
○山實號青櫺環岡次第生外形堅綠殼中味蔽瓊
英墜石樵兒拾敲林宿鳥驚亦應仙吏守時取薦層
城○鞠侯○何事鞠侯各先封在四明但爲連臂飲

不作斷腸聲野蔓垂纓細寒泉佩
玉清滿林遊宦子誰爲作君卿

皮日休和詩○石窗○窗開自真宰四達見蒼涯苔
染渾成綺雲漫便當紗櫺中空吐月扉際不扇霞未
會通何處應連玉女家○過雲○粉洞二十里當中
幽客行片時迷鹿迹寸步隔人聲以杖探虛翠將襟
惹薄明經時未得過恐是入層城○雲南○雲南背
一川無雁到峯前墟里生紅藥人家發白泉兒童皆
似古婚嫁盡如仙共作真官戶無由稅石田○雲北
○雲北書冥冥空疑背壽星犬能諳藥氣人解寫芝
形野歇遇松蓋醉書逢石屏焚香住此地應得到金
庭○鹿亭○鹿羣多此佳因構白雲楣待侶傍花久
引躡穿竹遲經時飲玉澗盡日嗅金芝爲在石窗下
成仙自不知○樊榭○主人成列仙故榭獨依然石
洞闕人笑松聲驚鹿眠井香爲大藥鶴語是靈篇欲
買重棲隱雲峯不售錢○潺湲洞○水流萬丈源盡
日寫潺湲敲碎一輪月鎔銷半段天響高吹谷動勢
急歎雲旋料得深秋夜臨江盡古仙○青橋子○山

剡源鄉志

卷二 山類

風熟異果應是供真仙味似雲腴美形同玉腦圓銜
來多野鶴落處半靈泉必共園都柰花開不計年○
鞠侯○堪羨鞠侯國碧巖千萬重煙蘿爲印纓雲壑
是提封泉遺狙公護果教猱子供爾徒如不死應得
躡元蹤

鄞縣志案曰陸序明言有猿山家謂之鞠侯黃梨

洲九題考以徐鳧巖之象形當之誤也聞志敬止

錄句餘土音俱不從其說

釋佛引雲北詩到來雲北裏寒吹逼柴荆夏至花初
發春殘鳥自鳴雨痕連海白石氣與天清洞口逢漁

父相邀
問姓名

宋樓鑰四明山詩平生抱退尙撫劍遠行遊迹謝聲
利牽心與巖壑謀東征泛滄海南鷺逾丹邱西登岷

我嘯北望巖壑愁匡廬挽歸轡巫峽紆行舟劍閣最
險壯龍門更奇幽歷覽雖未飽勝槩略已收邇來臥
燭湖清夢長夷猶家山惟四明名字橫九州出門宛
在野欲往輒不酬人事真好乘山靈苦吾仇忽近益
可笑投老空自尤花辰正芳春會心得良儔羸車幸
已足快策遂所求中宵雨聲斷透曉霽色浮天容極
瑩淨風氣亦和柔瘦筇挾籃輿野服兼輕裘遙遙指
林麓欣欣聽溪流試屐清腎嶺彌蓋白水湫飛湍響
淙潺怪松韻蕭颺艱哉上羊額喘若料虎頭甃石昉
歲期負樵歌道周百折快一眺千里森雙眸峯巒何
縣連脈絡相纏繆化鈞妙融結神功巧雕鏤長風動
溟渤洪濤播瀛洲巨鼇出巖頂游龍繞蛟螭鯨鵬怒
摩盪蟲魚紛疊稠萬怪各起伏千帆送行留或坦若
几案或峩若冠旒或排若劍戟或剡若干矛或舞若
鸞鳳或驟若驂騑或戲若俊猊或搏若貔貅儼然開
明堂玉帛朝諸侯赫然會岐陽長圍方大蒐鏖戰臨
長平堅壁持鴻溝廣野列車騎中軍嚴旂旂開關浩
茫茫變化久悠悠愕愕胎不得語形容那可侔仙樹四

剡源鄉志

卷二 山類

八

十圍蟠根幾千秋老榦枯不死新葉翠相樛颺馭定
來正桑田行驗不遺迹信所聞輕舉當何由東南徑
崇岡左右羅平疇人家散雞犬村塢來羊牛官徵畢
薪炭春事勤鋤耨土膩少沙石氣寒無麥牟荒蹊夾
桃李密蔭開松楸是中可避世何勞更乘桴駢巖下
蒼峭別岫爭崢嶸孰云二剡勝逝肯中道休仗錫旣
巉絕雪竇仍阻修停雲朝漠漠剛風晝颼颼盤磴渡
方橋廣宇連飛樓珠埃錯藻繡金碧照雕髹撞鐘食
干指鳴版登百箒真來天上居不涉人間憂周遭富
佳致徜徉得窮搜妙峯遠色淩錦鏡波光瀏雨溪赴
聒聒千丈落漣漣深瀑漂隨鳧品潭隱靈虬倒窺凜
欲眩俯矚清可漱澗草高下積巖花零亂抽挂壁見
猿捷食苓聞鹿呦日長轉睨院霧暗啼鉤輶修竹奏
竽瑟細溜鏘琳璆占晴喜弄鵲畏雨愁呼鳩何妨共
齋鉢且復薦茶甌老僧頗好事名德肯見投隨意宿
山房無眠聽更籌念昔身萬里及此天一陬登臨世
界闊俯仰歲月遒榮辱兩蠅角聚散一海漚塵鞅自
束縛各場相敵讐不念猿鶴怨望令泉石羞心期晚

乃愜俗駕我尚優勝具學友許奇蹤非阮劉時哉山
梁雉落矣濠上儵聊追興公賦不歎柳子囚招招知
音子爲我
商聲謳

董恂宿四明山詩愛看山谷景遂向山村宿山風吹
我衣山月隨我腳茅屋三兩間遊仙夢不作行且訪
蓬萊飄然
跨黃鶴

元戴表元四明十絕○楓樹院○雁飛不斷楚天長
雲路霜林級級黃何處人煙有墟落北風高隴散牛
羊○茶焙○山深不見焙茶人霜日清妍樹樹春最
有風情是巖水味甘如乳色如銀○大小橫山○小
橫欲盡大橫來萬壑千巖洶湧開聞道洞天深幾許
紫雲深處有樓臺○北溪○亂雲穿盡有平蕪一段
冰寒碧玉壺猶是春風未相棄山前吹長萬龍鬢○
韓采巖○洞深煙樹碧氤氳只采靈苗不采薪聞著
蹤由多懶說相逢莫有姓韓人○莽廣溪○怪石驚
湍吼不休時時巖谷飲寒牛誰知此水明州去浸作

剡源鄉志

卷二 山類

九

琉璃萬頃秋○木蘭○七里黃泥紅樹岡西風果熟
一村香居人祇道山深好三百年來是戰場○仙山
○仙在人間不易尋當時已道是山深可憐華表標
題處夜夜猿啼楓樹林○羊額嶺○兩頰棱棱額下
分更無拗處可藏雲西風怕奪行人眼蕎麥滿山鋪
錦雲○白水○劉郎一去杳無蹤水白山青祇故宮
欲問巖前老松樹人間禁得幾秋風○又四明山中
逢晴詩一岡一澗一縈隈新歲新晴始此迴莎坂南
風寅蛤出茅簷西日乙禽來人迷白路半羣石水捲
青天雪裏雷猶是深山有寒食梨花無數繞巖開

案楓樹院

現居民
一 二 家

茶焙

現居民三十家
在 三 折 嶺 之 陰

大小橫

山

遊石窗由
此經過

北溪

村
各

仙山

在北溪村後
俗呼仙人山

俱在剡

源韓采巖羊額嶺白水屬上虞餘姚莽廣溪不
知所在木蘭是花是木居人亦無識之者是四

明十絕我刻竟居其半矣

明余寅遊四明山詩澤國高寒氣秋旻廓落情山經
標特勝仙籍侈多旂沙厲眇三島遵循隘九瀛剛風
鼓蓬勃朗宿錯經營窈窕溪初發越越嶺欲驚翠濤
儲萬斛紫霧鬪千楹瀑迅昨宵雨雲乾此日晴牂羊
愁蹙蹙後鵝快縱橫瑤瑤開屏勢琮琤引吹聲八絃
眞汗漫五岳浪鏗鎗自作擔簦去難論戴釜征葛洪
原有約禽慶獨何名孤嘯神霄半雙眸大海平華旛
通太乙熬杖依長庚鳩鵲遙相劈鷄午作鳴青菁
吹作餉白襍裏爲程喜劇歎氛絕驕多袷袂輕紆行
蛇出谷小坐雁分坪矯首狗靈塔綠袿聳化城芝童
紛出欄毛女悅來迎許寂劍何往劉綱樹已傾荒荒
都信足默默但肝衡猶隘寰中在何時海外盟僱豐
應咫尺薦
我以雙瓊

剡源鄉志 卷二 山類

郡守張瓚四明山詩七十峯巒起碧空巍然石頂四
窗通光分日月玲瓏處氣吐煙雲遠近中西控稽山
低莽蒼東臨蓬海接鴻濛自從
劉阮游仙後溪上桃花幾度紅
唐之瀆四明山詩會稽東南秀四明各更佳蜿蜒三
百里慘澹青蓮花伊昔天地初山川始萌芽六丁運
神斧斲削如人家四隅遺古制玲瓏吐雲霞側聞劉
樊徒於此鍊丹砂耕煙種青橘結實大於瓜揮手謝
衆士身登鳳皇車至今石窗底青天守龍蛇玉女四
五人綠髮垂垂髮髮時來聽潺湲意態靜不譁我夜闖
其旁月黑星如麻顛慙
無靈氣悵望空咨嗟

周立本四明山中詩幾同大聖具茨迷卻逐間樵過
澗西野草無名都是藥亂山無主自成蹊危岡路指
遙天迥絕壑煙飛古寺低欲覓
遺塵蹤迹舊雲南雲北總難稽
沈一貫四明山詩余好四明山遂忘千金誠緩贖與
日往巉絕甘行憊大關響可聘箭厂僕無賴黎洲與
丹山尚隔流焱外醉舞清冷天嘯歌白雲界疑無后
土承獨有皇天戴驚峯激俯漚巨海縈近紵山院罷

鐘磬待禽喧梵唄緬懷秋水人歌襲清風介戾止亦
忘歸歸來懼難再○又四明山歌我昔長歌天姥吟
今來飛越江之深煙波浩蕩都在眼蒼厓白鹿紛可
尋游足未開意已窘片雲隱約前村盡適來縱入丹
山赤水之洞天果爾三百八十芙蓉之峯相鉤連沸
如巨浪排九淵渴虬飢鱷崩奔前驚魂褫魄悸不定
乃知世間安得無神仙際天但有淺黛色到頂猶窮
羽人翼謝公萬夫鑿不得支遁欲度空歎息黃熊近
人白虎怒吐鵝半染松花碧青鞵屢穿幾悔來眼前
可卽仍徘徊俄聞竹間響茶臼寺門正對雙眉開草
根敲冰時滌釜織陰近送靈湫雨剝網臺樹收紫綃
王交瀑布懸青組二韭三菁宛可拾東烏西兔紛來
舞篆煙雕霧無時休一雙白鶴飛何苦吁嗟乎劉郎
誤入青山園不是忘歸不得歸薜荔滿牆皆可衣胡
麻滿谷何愁飢赤雲層層團白日任他渡口桃花飛
百年三萬六千日古今聖賢皆永畢何爲容易別青
山空教青日笑不還誅茆結
屋弄流水溪雲與茂長潺湲

剡源鄉志

卷二 山類

七

沈明臣四明山長句李白夢大姥濤煙茫茫走東魯
隨風吹墮禹穴來萬里心魂挂瑤圃興公賦天台赤
城霞氣標蓬萊五采肝腸濯翠海九天日月披銀臺
四明之山誰所鑿天公爲我開樓閣雙牖高看烏兔
飛四窗平見星辰落青雲冥冥豁洞天使我坐闕心
茫然手捫白虹不到地眼階綠雪吹春煙九州點破
黑子大滄海東窺一衣帶天上銀河貼面流神遊八
極吾將奈千秋闕迹人莫尋萬古靈蹤此真快二百
八十峯天簇青芙蓉丹山穴紫鳳赤水蟠黃龍氣雄
五岳掩天柱勢奪十洲凌閩風不周山崩誰所觸祖
龍沙邱不敢哭騎龍跨鳳訪仙曹朝向崑崙暮王屋
願呼樊夫人爲我歌且舞手拍洪崖肩醉枕赤松股
璿房瓊室七十二恐是蓬壺世難覩雙雙帝子怨蒼
梧穆王馬蹄知有無金書玉簡秘不得越水至今流
禹都○過雲○縹緲路常封時時春氣濃看衣疑帶
雨到寺只聞鐘不見高秋月難捫白日峯探虛吾欲
老來往藉孤筇○雲南○山陽村戶好家枕萬峯雲
共飲梅花水耦耕麋鹿羣土風周處記日月帝堯君

世路紛紛豺虎區中那得聞○雲北 只在白雲北重
山別有家人煙散流水墟井市桃花賣藥通秦市分
蜂識漢衙自矜吾道拙不敢獨餐霞○樊榭 夫人
仙去遠樊榭尚知名月落迷妝鏡花深斷寶纓山川
今喜託天地故難憑倘是吹簫處應聞有鳳鳴○潺
湲洞 潺湲吹古雪倒捲入銀河月色兼秋動山聲
入夜多雲來溼不去雷疾響難
過梳石驚濤起天風吹大波

汪禮約發四明山中經雪竇寺登妙高臺觀瀑布杖
策下溪口買舟順流朗誦盧柎賦抵檫社宿句章先
生明月榭旦發還南雷作蒼山何崔嵬天籟風參差
扶搖八千丈莽莽瓊瑤披下窺滄海小遠鏡天台卑
仙人衣龍虎翩翩遠追隨送我遲日曉下趨剡溪道
迴合西南山春深尚衰草百里闕無人高步尋仙真
空谷不見鳥獨有煙霞親迢迢窮日昃路轉開石壁
寺古落松筠僧來訪形迹醉披水田衣笑著登山屐
亂谷浴秋聲落英封斷石水薄衣欲流山空月初白
獨鳥歸林煙蕪桃眩行客客行莫早迴青春時易頽

剡源鄉志

卷二 山類

三

且浮琥珀盃載上中天臺日迴萬里盡意豁千峯開
足底溪聲激泠泠清吹哀石轉驚飛流槎來銀漢秋
又疑廣陵雪噴噴薄錢塘邱風中等列禦濠上誇蒙周
俯仰意已滴興極歸心逸數里走石關十步恁兜率
透迤盡坡隨日勢含滄波浦近漁唱起樹密村煙和
似聞戴顛隱彷彿子猷巡高蹤選千載勝事苦蹉跎
夙昔永懷情春風吹女蘿女蘿風乍起行舟信流水
空翠撲人肌芙蓉開萬葉蠹蠹波底寒水曲山萬盤
路轉幾迴覆出谷復入谷石淺祇容舸儵忽及山皋
天歛曉鏡落埜闕孤村高爲把珊瑚枝欲釣任公鼈
兀立四明山側影隨秋濤一誦盧君詩興逐流雲翻
片語驚世人咄嗟楊馬曹論文夜分坐寂寞邱園情
摧頽一尊酒笑落千秋各興極一登臺風淨高天碧
疏星向客流霽月水中夕經奇絕可憐地遠心悠然
家徒四壁立何異楊雄園余也老侯芭生事南山田
山花遲行客五柳春風顛手持綠玉杖歸弄潺湲泉
一當南雷君謂我何方旋採取虎盤囊投贈逍遙篇
異時畢婚嫁五岳終流年○又四明中詩紫翠莽縱

橫行人不記名天遙平見日雪盡乍聞鶯絕壁憑雲
度長風吹雨晴千秋嵐氣白直擬海波生 天迴路
孱顏危巒絕可攀陰風迴大壑紫氣滿千山月彩標
孤白春聲起暮關幽奇探不盡煙樹水潺湲 明山
高鬱律一上一崔嵬雲捲千峯雪風傳萬壑霜扶桑
天外見初日夜中迴目斷塵凡路飄飄鸞鶴來 石
棧渺煙霞春臨萬谷花人將身倒影山亦漢通槎翠
溼驚嵐落風深畏日斜扶搖今始信莽莽竟天涯
屠隆間沈嘉則先生與汪長文遊四明山詩四明迴
奇絕獨立東南州上與元氣合下見滄海浮煙霞日
莽互何人窮其幽二君策高足能爲十日游白雲度
千嶺青天開雙眸捫旱帝座近得句山靈愁倦來臥
蘿月海風吹蕭颺洞天

造寶四明九題詩 石窗 石扇本天成虛中透四
明無樛沾鮮色有隙陋風聲啓處金書燦窺時玉女
清微雲終不掩髮鬢見層城○過雲 壁裂橫天棧
尋常雲氣封暗中喧眾水霽後失羣峯賺鳥歸他樹

剡源鄉志

卷二 山類

三

迷僧聞遠鐘若驅仙犬去應尋羽人蹤○雲南 雲
南近日光崖古半無霜釀橘先春熟蓂瓜隔歲長茶
香霑鳥背蜜色瑩蜂房幾世留丹訣同居不死鄉○
雲北 雲北樹如薺峯嵐變夕暉冰岸淹鼠迹寒谷
斷鶯飛曬藥星壇迴疏泉乳洞微時逢仙吏集隔竹
啓重扉○鹿亭 孤亭深翠裏地僻野麋多滑想眠
時石腥聞舐後莎聲長和暗溜足逸戲危波元白仙
姿別銜芝日幾過○樊榭 仙成留故榭延望白雲
中石露催妝月松垂掃地風銜書逢野鶴守藥待山
童羽節何年降桃枝委棘叢○潺湲洞 洑泉奔洞
駛流響作潺湲雨細沈松壑肅清歎石關睡方龍劫
去仙夢鷓鷩驚還爲近丹臺月笙簫夜不閒○青樺子
青青幾樹攢繞障復臨湍味蠶丹成液形標石作
丸猿爭拋地響鳥戀啄枝殘必待真官取移根插古
壇○鞠侯 鞠侯名最古封近地仙居野果分公噀
山雲列薄書泉香賜沐後花綻衣緋餘落月林間嘯
惟應學
步虛

國朝黃宗義九題詩

石窗

高閣雲中見四窗一面

連梯空尋地穴鍊石舉危天寶鏡開霜曉朱簾捲暮

煙自從劉阮後康樂亦遙傳○過雲 不雜炊煙色

非關雨氣颺神龍眠雪窖山鬼樂幽篁曳杖兜羅重

霑衣瀑布狂相將過嶺去二十里雲長○雲南 南

行雲過盡始見有人家各里今如故遺風昔不差僧

留人外渴桃發自然花盤谷無嫌小山將出路遮○

雲北 北行雲過盡離落傍僧筵竹筧分猿飲霜鐘

起象田磨崖留漢隸鈕石得唐年聞說巖棲者終身

昧市塵○鹿亭 鹿亭何自置千古仰仁名久矣忘

機械蠢然託死生朝飢開藥院秋冷侍茶鐺縱使歸

山去長來月下鳴○樊榭 大蘭有古榭昔是夫人

居石有藏雲竅溪游禁術魚猶疑停絳節時或得仙

書此地逢樵獵相親且莫疏○潺湲洞 聞說潺湲

洞當年隱白君守爐同弟子洗藥委紅裙中積千年

雪平分萬壑雲自來聲未絕曾和步虛文○青樵子

何物青樵子空專上世名野人俱不識山鳥或相

爭玉樹空垂賦瓊枝不別生環岡笑魯望詩句豈真

劉源鄉志

卷二 山類

古

誠○鞠侯 曾到徐鳧境巖形像鞠侯瀑飛聲自苦

月影臂如鉤不答山禽喚空回過客眸前人工賦物

遺誤在林邱

高士奇和詩 石窗 石豈仙人鑿窗疑玉女開疏

樵雲直入高牖月斜來蠶密霑崖藿蛇痕映碧苔欲

尋劉阮迹疑是有樓臺○過雲 迢迢二十里一帶

溼雲封遠覆蘭山麓橫連雪竇峯樵迷難覓路寺隱

但聞鐘俄頃風雷歇遙天挂白龍○雲南 居然小

盤谷路已入金庭南嶺雲全白陽峯雪半青晴嵐花

灼灼春澗水泠泠雞犬桑麻外漁舟向晚停○雲北

峯多雲亂起翳厯滿山陰曳竹煙中碧籠花月下

深當門眠老特隔鳩語春禽活活聞泉響分來自遠

林○鹿亭 孤亭祠孔祐遺愛古誰齊南窟曾供鹿

秦巴亦放麕呦呦鳴淺草濯濯飲清溪滿日皆生意

春風好杖藜○樊榭 劉樊成道後白日竟飛昇故

榭依然在仙梯未可凌怪松擎雪峙危石帶雲崩欲

聞棲真處東峯第幾層○潺湲洞 此日潺湲洞當

年白水宮無雲朝噴雨不長夜翻風洗藥因流淨尋
花取徑通清香坐聽久羣籟寂霜空○青孺子漫
說戎王子青孺亦自殊質堅疑綠玉色美勝瓊珠鳥
啄風前鬪猿偷月下呼山家何處覓空自想雲腴○
鞠侯 徐覺真異境別是一重天猿臂如相接山形
似倒懸洞中留古雪樹杪落飛泉到此塵寰隔清都
育列
仙

靳治荆和詩 石窗 異境層巔闢虛窗四室連高
懸應礙日上出欲通天融透深冬雪樓牢萬古煙不
緣公好事實錄許誰傳○過雲 嶺路何綿邈煙巒
任簸颺瀾漫看霧樹淺近笑風篁境幻行忘困峯奇
叫欲狂飛泉何處落遙指練光長○雲南 雲南舊
里在煙火動山家樹豁看才見峯岐路恐差寺鐘生
竹塢礪戶闕桃花勝賞元塵外層巒面面遮○雲北
雲北看雲好層層落几筵佛龕疑鹿苑仙窟想芝
田臥憶金庭舊遊思雪竇年行常相去近不異市和
塵○鹿亭 鹿去何年事亭留此日名銜環甯望報

剡源鄉志

卷二 山類

五

養剡爲全生客駐登山屐伴依折腳鐺斑龍千歲活
可更向人鳴○樊榭 故榭垂名久曾因仙眷居去
應驂白鶴來合並丹魚石有滄靈竅巖藏證道書欲
吟步虛曲只是愧才疏○潺湲洞 洞府開清嶂仙
官遡白君芳溪曾洗藥春月可滌甯谷暗初斜日闌
停乍起雲潺湲終古韻好綴柳州文○青孺子 木
實號青孺圖經秘此各神龍嘗未得爾雅說徒爭不
可尋求見誰云次第生如堪資服食肯惜禱祈誠○
鞠侯 不謂層巖聳居然似阿侯射彎伸詎直臂弱
引仍鉤坐老披雲性凝餘竊果眸支筇看不厭渾欲
揖浮
邱

李墩九題詩 石窗 孤峯千仞立一面四窗開天
際雲霞燦都歸石室來○過雲 山頭若非雲靜中
境不動往來二十里嶺上曾無空○雲南 盤谷向
妨小桃花愛有阮南行雲盡處家室聚安康○雲北
雲北雲無盡家家伴几筵人隨雲不老那識市和
塵○鹿亭 鹿因祐而生亭因鹿而名孔君還在否

鹿復向誰鳴○樊榭 故榭留風月 夫人尚往還人
蘭通竅石誰復踏苔斑○潺湲洞 洗藥溪流淨何
緣過白君千年堆積雪萬壑散浮雲○青孺子 青
孺味極美不用羨山家莫道探無子何曾看有花○
鞠侯 像形洵不謬喚作鞠侯
巖坐佳徐鳧上憑他過客瞻

李灼九題詩 石窗 人蹤不到處忽有石窗開誰
鑿乾坤竅平邀日月來疏簾垂薜荔古砌裏莓苔擬

共閒雲老藏書待異才○過雲 不少雲深處無過
此嶺長東西二十里煙霧浩茫茫折旋因風勢氤氳

釀雨香從容覓去路仙趣滿衣裳○雲南 地名小
盤谷隱士舊為家田路衝山直柴門逐水斜瞻雲依

北關測影製南車一片陽和氣何愁山四遮○雲北
北向依山鳩時時隱翠微日高松影暗雲重水泉

肥揖客詢幽勝摩碑辨是非蕭然出人世一到已忘
機○鹿亭 仙人曾養鹿遺構依雲根彷彿銜芝影

蒼茫臥月痕生全或有報意厚不言恩一事垂千古
空山久駿奔○樊榭 遺榮甘遁世此意兩心知自

剡源鄉志

卷二 山類

六

是懷丹藥非關悲素絲雲階如可待鶴馭去無時歎
息昇仙木於今尚守雌○潺湲洞 混混來無盡垂

垂勢絕殊長拖千輓玉橫噴萬寒珠力撼乾坤轉聲
敲鐘磬俱四圍沾潤處滿布綠鬢旣○青孺子 無

人知此味合是列仙肴摘得珠三樹銜來鳳九苞玲
瓏垂月隔磊落壓雲梢凡骨何從覓深山枉結茅○

鞠侯 兀坐乾坤內空山無伴尋四三絕巧智朝暮
不關心清冷環秋澗蒼茫帶遠林夷然看楚沐枉自

辱纓

金韻古和詩 石窗 仙人窗不閉知是為誰開滿
噴春雲出斜飄暮雨來影寒千歲草痕蝕五丁苔倚

溼吟詩袖曹唐自有才○過雲 過此向誰去雲衢
廿里長天空任展布世遠隔蒼茫雨惹龍身濕晴牙

鶴羽香麻姑疑逐隊飄颺眾衣裳○雲南 豈是滇
池遠山陽住數家路晴春日正村兩北風斜合有紅

雲朵應扶紫帝車飄飄看不厭鳥隼向前遮○雲北
村在最幽處陰陰冷翠微青松山背老白石雪中

肥北斗仰頭是南雲轉眼非夜風吹盡散萬象□□
機○鹿亭 養病亭中鹿靈芝嚼到根曉行遲石路
秋臥老苔痕木□成仙蹟難忘是感恩銅碑曾繫否
此日向誰奔○樊榭 天台好鄰女每過締相知寶
藥烘花瓣仙裙冷藕絲山深留謝蹟人去少歸時料
得蓬萊路騎龍合控雌○潺湲洞 此地絕凡響仙
都耳目殊碎彈青女淚寒撒白龍珠縹緲天紳落琮
瑤古樂俱洞中跌坐好冰雪作毼毼○青櫺子 此
種誰能薦難占碩果又東方見真色窗下想仙苞入
洞尋遺核登山問古柏定應千歲熟蓄蓓餉三茅○
鞠侯 不見點頭日蟠桃何處尋□□□□□□□
□□心□□空仙侶攀躋絕□林□□□□□□□
簪□□

驅羊山 南面七十峯總名詳四明山條屬嵯奉化二邑黃宗

義四明山志

剡源鄉志 卷二 山類 七

梨洲山 縣西一百里即四明山之西峯寶慶志十五○餘詳古蹟

山麓有碑記云周迴八百里二百八十峯十道四蕃

志劉綱與夫人昇仙處宋慶寶志云梨洲山下有坡

日響石坪康熙志

案梨洲山周迴數十里其峯不過數十碑記云
云誤以四明山之里數峯巒當之也或碑記爲
四明山而作梨洲爲四明之支山故樹立於此

與

明汪綸梨洲山詩蓮花紛向日邊開雲影長依斗柄
回北引羣峯朝禹穴南分諸嶺上天台梨因孫綽來

時見桃是劉綱去後栽風景恍然人世外但聞雞犬石巖隈

仙人山 在北溪 戴表元有仙山詩見前

鐘山 與嵯縣唐田接壤

烏巖山 距西晦溪八里

棲賢山 在西晦溪宋單欽居山下因名 晦溪單譜

唐雲巖詩棲賢山勢氣崇雄毓秀鍾靈宛委同數代衣冠傳理學一時才藝契宗工旌軒尙立危峯石遺像還留故宅宮屈指當年游賞處惟餘鐘鼓峙西東

白石尖山 在應家山距縣一百里

雷峯山 在棲霞院清晨望之可見郡城天封塔

剡源鄉志 卷二 山類 末

桃花阮山 縣西五十里四明山之上二十里雲之南

也山巖壁立數仞延袤數百尺巖色紅白相間隱映

出沒狀如桃花之初發故以名之四山環繞宛如盤

谷中有平田數百畝昔太白禪師飛錫於此 寶慶志十四

元末孤峯德結菴於此 四明山志

案今永福菴卽孤峯德所結之菴

明王景才詩一宵夢騎鯨凌風直上雲深行雲深彷彿煙霞外一溪初入千花明路逢東方朔借問此何地但云西王母誤向瑤池會豔陽天氣蒸紅霞乃知觸目皆桃花中有樓臺綺金碧別是景象非人家我疑武陵溪不見漁郎放舟入指點歸路花間迷又疑天台山不見劉郎採藥處仙姝玉女迎笑乎其間但

見飛花亂落千丈之飛泉溪雲流出紅斑斑覺來枕
席蘿月底毛骨至今清似洗一朝飛上妙高臺想像
神遊無乃是巖邊笑指雲深處依舊桃花滿千樹誰
知應夢在名山幾度春風等閒去上人談園坐花下
我亦從之入蓮社石潭神龍聽法來天雨寶花如斗
大回顧卻見徐臯仙拍手招我青崖巔他年來赴蟠
桃會石上共
話三生緣

張錯詩雨晴春色滿巖前誤認元都小洞天忽訝四
山環繞處中藏數頃遺安田昌黎只解稱盤谷摩詰
徒能畫輞川試問白雲如
可借便須從此謝塵緣

宋琰詩阮原四匝是桃花開落東風幾歲
華不問仙家在何處我來非是覓胡麻

戴洵詩偶爾經行處天然削險巖青嵐藏古木彩日
絢澄潭宿鳥語方寂游魚戲正酣口女皆愜意吾欲
此投
簪

剡源鄉志

卷二 山類

五

大晦山 縣西六十里卽四明山南來之兩峯左肩紅

巖山下有覆盆山宋有捕魚者恍不見日光因號爲

大晦應則入山初甚秀麗旣而冥晦故曰大小晦四

明洞天記云兩峯各有大小晦是也或作悔非延祐志七

相傳黃巢引亂兵過一峯下天將暝復過一峯下天

已深黑遂止嶺上故名大小晦住嶺嘉靖志

鮎魚山 在馬村因形而名

小晦山 大晦山東有一峯隱士陶源探望如樓觀號

小晦山延祐志七

案延祐志鄞縣四明山條分大晦小晦爲二山
是已而奉化敘山又合大小晦爲一山未免兩
歧其引用前曰捕魚後曰應則亦夾雜不清嘉
靖志康熙志忽引黃巢之事想因雪竇有黃巢
冢而附會之與今各存其說以不沒古人之真

宋高元之大小晦山詩大晦出小晦過盡山峯翠寒
雲抱幽石枯卉老孺瀨沿流路偏側當道屋破碎卻
立重回首瀑
布瀉雲背

剡源鄉志

卷二 山類

三

覆船山 在高巖村前因形而名

以上後路

大湖山 峯勢入天上有赤水丹池剡池可丈餘深不

可測其水色赤勺之則其清如鏡禱雨甚靈剡錄注在

剡界嶺距邑一百里南屬新昌西屬嵊縣東北俱屬
奉化其下爲洋巖山中有龍湫

鯽魚山 在晚響嶺大畝因形而名

六詔山 羣峯魁壘若瓚壺曲匏煙裊縷不斷四明山志

明陸鍾輝詩剡溪第一曲右軍昔居此累卻鷺羽車
逃名如敝屣尙有滌硯池風吹墨濤起先生且暫歸

但恐不免爾

飯甌山 距下蹕駐五里因形而名

馬牽山 在柏阮竺家壘因形而名

蕎麥角山 在柏阮九溪廟前因形而名

大箬阮山 在塔下村後俗呼後中山

藥點山 在三石廟後

魚山 在三石廟下因形而名一名吳山俗呼何家山

月邊山 在三石黃洞畧口一名獨山

癩頭山 在三石村下

剡源鄉志

卷二 山類

三

丹小山 縣西五十里四明山之南屬剡源鄉之三石

村寶慶志十四

有三巨石故名三石山

延祐志七

上有二洞寶慶

志十四

有丹霞二字如朱書

延祐志七

洞如廣廈中可容五

六十人有深穴可容人身昔有人者行幾半日聞水

聲如雷而返水涓涓巖墟

延祐志墟作罅

間其流迹皆赤色

下有龍湫民築亭於其上為早暎零禱之所有巖竇

風從其竇出颯颯有聲夏絕無暑冬則凜凜不可近

俗號風洞

寶慶志十四

雲笈七籤所謂丹山赤水是也

延祐

志七今名丹霞洞

乾隆志

宋陳著夜酌丹山詩石路深深著梵宮綠陰截斷出
塵紅春風杖屨閒忙外明月山林醒醉中有酒何須
白蓮社無詩可入碧紗籠歸途自有兒扶笑不用過
溪勞遠公 又九月十日釀飲丹山詩舉頭又是菊
花天走遍山林命苟全忍賦庚寅傷亂世漫書甲子
記流年陶籬一醉虛拋久蕭寺重遊夢覺然今是何
時成此會教人
平地說神仙

釋足菴丹小山詩煙霞籠錦石日出
耀光彩仙子竟何之迷蹤今尚在

明豐自孫詩萬古丹山洞今朝遂一遊瀑高寒激雪
崖老晚宜秋馴虎隨仙去高臺有像留獨嫌歸太速

未得細
尋幽

國朝江迥詩誰笑丹山具體微幾盤鳥道逐雲移丹霞
尙惜朱書隱怪石真成磊字奇萬壑濤聲寒意早一
溪樹色夕陽遲我來別有
登臨興好任籃輿邈迤隨

剡源鄉志

卷二 山類

三

孫昭謙詩丹山自古秀靈鍾約伴登臨興白濃古佛
龕前黃葉滿潛龍洞口白雲封丈人石具崢嶸體仙
子書留隱約蹤一抹炊煙
林外鎖歸途遙聞淨慈鐘

丹山赤水洞天攷丹山赤水洞天之名非始於古
也自晉人始也丹山赤水洞天之地非定於今也
自元人定也蒙剡丹山赤水洞天之人也試攷其
掌故著之於篇晉木華四明山記云天下洞天三

十六四明第九其號曰丹山赤水此各之始見者
也蜀杜光庭洞天福地記云天下三十六洞天九

曰四明各丹山赤水之天也曰漁湖福地唐司馬
紫微云第九四明山洞各丹山赤水天真人刁道

林治之其初總名天台山此皆未實指其所在者
也張君房雲笈七籤云三十六洞天第九四明山

洞周回一百八十里名曰丹山赤水之天在越州
上虞縣宋政和六年徽宗書潺湲洞外祠宇觀門

榜曰丹山赤水洞天此雖似實指其地而皆不足
爲定論也元陳沆剡溪九曲圖記云又東爲三石

有巨石三臺巖詩三峯插雲石室可坐數十人有
丹霞二字儼若朱書內則有石洞洞深不可測識
風蓬勃中出怒則撼山拔木禱則化旱爲雨雲笈
七籤所謂丹山赤水之天也予家其下戴良剡源
九曲圖記述陳子經之言云又北東而爲蓮葉峯
三石溪皆幽麗可觀至第五曲則其境尤勝大抵
異石最多岌然洼然若垤若穴而穹然若室上有
丹霞二字隱隱若朱書有洞窈然入之若寒問其
深則雖好遊者不能窮也謂之丹山赤水之天也
而赤水不常有也此蓋六世祖隆國文簡公之所
居也陳子翬九曲詩云五曲盤桓小洞天乾坤清
氣間生賢蛟龍尚有風雲會突兀丹霞鎖暮煙此
皆實指其地在吾村而此語出自村人未免自誇
其山水則猶未足爲定論也奉化縣志云丹小山
四明山之南有巖竇風從竇出雖盛夏無暑氣俗
號風洞雲笈七籤所謂四明洞天丹山赤水是也
又永樂志云剡源三石村有三巨石下有洞上有
丹霞二字如朱書今名丹霞洞案丹小山今俗稱

剡源鄉志

卷二 山類

三

爲洞山丹霞洞今俗稱爲龍洞此亦實指其地在
吾村而此語出自邑志亦未免各誇其山水則仍
未足爲定論也黃梨洲四明山志丹小山條云有
三巨石覆洞上有丹霞二字自然朱書故洞曰丹
霞村曰三石巖隙流水皆赤故或以爲赤水之證
全謝山湖語云若夫古今之評水者多矣其尚赤
者吾蓋未之前聞獨剡源之五曲忽孕爲丹霞之
古文述流成雷來歸於三石之村嫣然其色幾疑
流火之可捫更有石壁之遙映儼若剗羊之痕○
元注曰殺羊巖前有石壁卽所云小赤壁也○此
亦大造之奇不可以常理論○元注曰剡源九曲
其五曲曰丹山赤水卽今之三石村也絕頂有朱
書丹霞二字其流赤其聲如雷○夫黃籍餘姚不
以此洞還屬上虞全籍鄞縣不以此洞渾屬四明
而均以此丹山赤水洞天爲在吾村則信乎其在
吾村矣乃象山縣志載邑令史鳴皋纓溪書院記
有云絃誦之聲琅琅乎丹山赤水間矣一若丹山
赤水在象山境內也者此雖由明沈嘉則四明山

遊記有云四明爲丹山赤水洞天一日赤水在象山因此附會不知象山本有赤水亦有丹山○一名蓬萊山○惟並非一處亦無洞天名目而史氏作記竟有丹山赤水間之語其將襲吾村洞天之名耶抑點綴其境而渾言之也夫自古著名山水往往有襲其名僭其號而據爲已有者丹山赤水洞天一見奪於上虞再見奪於四明而黃全二公獨表而出之歸還吾村山水有靈不將引二公爲知己乎○剡
曲草堂續稿

此乙未夏季辨志輿地題衡兒所作也蒙掌教馮夢香孝廉一梅拔取第一其中不無強辭奪理之處因牽就我村姑存之

烏龜山 在下汪村南因形而名

蝦拱山 在康嶺村後因形而名

剡源鄉志

卷二 山類

三

法喜山 在法喜寺下

公塘山 縣西四十里 康熙志

望春山 在州西五十里其右文筆峯其左展旗峯 延祐

志名○案嘉靖志作六十里誤

翠屏山 今名旗山 新纂 縣西四十里左接九曲右拱四

明若錦屏高展秀麗萬狀 乾隆志

案乾隆志此下接云唐貞元中右相樊澤致仕

卜居築隄其下故名又名沙隄攷新舊唐書樊

澤竝無卜居築隄之事查沙隄樊譜以宋監察

御史樊良忠爲遷奉始祖亦未嘗牽涉樊澤不知乾隆志何所據而云然也

以上中路

大雷山 在縣西南四十里登其山可見海二百里外

卽唐末謝遺塵隱處

延祐志七

案在毛氏之石門由棠畧而出距縣六十里

國朝毛式金雷峯登眺詩喧囂匪所思天光極清昶幸當足力健登高頻俯仰雷峯何崢嶸山空絕塵想瞬息日窮千里遠近契真賞菱湖星斗落潭龍驅魍魎繁花鬪夕曛春茶凝朝沆清風颯然來頓忘身骯髒不盡瞻眺情滄海在指掌煙雨半濛濛帆檣爭來往川原何聯絡羅列千萬象輕颺灑塵襟白雲生短杖臥

剡源鄉志

卷二 山類

三

枕山頭石不知林月上 又雪後登雷山絕頂詩層雲抱孤峯寒氣殊凜冽殘陽鬱不開峯頭堆皓雪皚皚林壑底萬籟聲逾急危哉不可上雷峯絕人迹我獨愛此游草履映白壁遠上最高頂離天剛數尺乘興晚歸來露染衣裳溼

將軍山 在石門村上

琰杯山 在石門村下因形而名

鐵山 距巖頭十五里

象鼻山 在巖頭因形而名

虎山 山之南麓爲榆林山之西麓爲許家岸山之北

麓爲深阮董家畧

眠狗山 在斑溪因形而名宋舒文靖墓遷葬於此
以上前路

峯

筆架峯 在董村非縣東下郝村之筆架峯也

天柱峯 縣西六十里延祐志卽妙高峯

宋樓鑰詩一峰高出白雲端俯瞰東南千萬山試向岡頭轉圓石不知何日到人間

鄭清之詩陸地芳洲擁翠翹巨靈穿石滾雲濤搏空蒼鳳欲飛舞奔海玉龍爭怒號萬象橫陳坤軸富一

亭平揖月輪高獨醒未覺孤清枕笑灼寒泉讀楚騷

明陸寶詩排雲人中峯層厓巨林莽陟險始得平臺基覆如掌松下聞戒香茅茨奉金像不見驅虎僧干

剡源鄉志

卷二 山類

美

載空
偃仰

周齊曾侍石老人過妙高峯詩一鐘聲隔外杖履無早晚偶值雲海沸高峯亦孤口宛似舟出波波搖舟獨穩老人別無言但呼弄混沌心目深一往雨來赤腳返

國朝邑令但懋祺詩丹邱知何處滌慮訪禪關峭壁高千丈寒雲護滿山鐘聲聞斷續屐齒憚躋攀惆悵曾臺上仙人去不還

石筍峯 在下隱潭旁山周遭如石城有石筍離立高

與山埒參四明山志

宋梅堯臣詩巨石如龍孫莽莽煙霧裏明明落落溪口納納喧灘齒何當助齋孟茵葦徒爲美
明陸寶詩拔地凡幾尺孤撐若有根綠苔飽雲氣古籜舒苔痕徑截野僧指形奇山鬼捫他年參玉版法

性本
同原

以上後路

蓮葉峯

宋陳著
本堂集

下有淨慈寺剡源羣峯皆奇而此峯

獨秀麗

文筆峯

嘉靖志

今名草蓬山詳望春山

展旗峯

嘉靖志

詳望春山

以上中路

犁洲尖

在楊墅村下

望春尖

元戴表元
剡源集

在三石嶺之陽

以上前路

巖

石窗

今名四窗巖在四明山南面之中屬奉之剡源

剡源鄉志

卷二 山類

七

由北溪行十餘里望之狀如石室攀躋而上中室高

八尺深如高倍之廣二丈可容坐十餘人偃僂而入

右室高六尺深如高亦倍之廣如高三之二可容坐

三四人復偃僂而入為右室之右高如右室深如中

室廣之半廣如深五之四可容坐五六人其左室須

緣崖而過高五尺深四尺廣如深四之三無容坐處

復緣崖而過為左室之左高亦如右室深如右室之

右廣如高容坐如右室之數

俱據最高最深
最廣處而言

其高廣

深參差不齊窗大小有五總在一面謝遺塵謂為四

穴黃梨洲謂分爲四窗者殆不數左之小窗也謝康樂山居賦注謂四面自然開窗者誤詩詳四明山條案石窗之勝鄞人爭之姚人亦爭之迄無定論但以國初丈量時山冊爲憑則此山一帶錢糧俱是鄉人郡諸生盧質仙乃楨家完納紛紛之說可以息喙獨怪戴司成以奉人奉地而移之於鄞不知何意

又案大俞村名屬餘姚在石窗之背之側黃梨洲云石窗土名大俞遂據以爲已有不知姚之村

剡源鄉志

卷二 山類

三

有大俞非石窗之山名大俞也

國朝方士寔詩山石高突兀面面做疏櫺日月光洞達長年戶不扃先生此棲遁看山雙眼青我欲從之游孑身凌滄溟

船巖 在北溪

烏巖 俗名烏巖頭距西晦溪十里狀如伏獅猙獍可畏廣十丈深二丈五尺高可三丈巖下有菴詳寺菴左

有瀑布三丈如銀練

獨樂石 在左溪中嵒縣由此分界高數丈上大下小雖山水暴漲終不移動

枕巖 在沈家巖村長丈有奇高約八尺橫眠如枕故名

鷹嘴巖 在棲霞院村下

石棋盤巖 在巖院廣八尺長如之高一丈有奇其平

如砥

徐鳧巖 在雪竇之西相距十五里重崖峭壁數百仞

瀑布飛下冬夏不絕巖之下有神龍所宅俗傳為如

浮巖以巖浮澗谷上故名上為鞠侯巖有三大字刊

於上 寶慶志十四

剡源鄉志

卷二 山類

三

案延祐志作徐無巖而嘉靖志以為寶慶志作

徐無巖誤

宋王時會詩絕壑攙空巖與平橫飛寒瀑萬年聲杖藜平過人間險獨向干山頂上行

陳著詩平揖天風一望來蒼崖萬仞兩分開是中猿鶴亦難得只有龍雲相往回

釋足庵詩蕭然上方境人稀知地僻徒聞古仙人石上有遺迹○四明山志作僧鑿

明淩則中詩一片懸崖勢插天昔人曾道此登仙鳧飛赤舄凌銀漢鶴載瑤笙度紫煙洞口花開疑有路

澗頭松偃已多年袈裟此去探靈迹須了三生石上緣

徐寅詩徐鳧巖畔夕陽屣瀑水淙淙總作奇倒影盡從干地起疏鐘都向萬家披短筇到海秋蕭爽孤劍

凌空夜陸離欲詰山靈緣箇雨忘年小友正論詩

宋琰詩銀河一脈瀉中天也勝廬山瀑布
泉脫骨有仙今不返老松園鶴自年年
陸寶徐鳧巖瀑布詩攀條俯睇石棱棱翠地珠
泉萬斛增忽訝青天飛雨卷空林驚起定中僧

畫字巖 詳石刻

紅巖 延祐志七 在馬村

秀巖巖 在馬村旗山中高可二丈大三丈餘緣巖而

上有石椅三一側二正

千丈巖 其巖絕壁千仞故名 四明山志 又名飛雪巖 康熙志

亦名瀑布山宋真宗敕曰東浙瀑布也作飛雪亭於
其上俯之以納奇觀二水合流而為瀑布水至半壁

剡源鄉志 卷二 山類

三

有石突出隔之灑若飛雪而後復為瀑布 四明山志 流數

十丈又有石突出隔之直瀉至潭潭大可一畝深不見底

案至巖下午雷亭望之方見有一層石突出若

自上自旁百步階望之祇見一層石突出也然

則黃梨洲此處游屐亦未到耳

宋王安石千丈巖瀑布詩拔地萬重青嶂立懸空
千丈素流分共看玉女機絲挂映日還成五色紋

曾鞏詩玉蚪垂處雪花翻四季雷聲六月
寒憑檻未窮千丈勢請從巖下舉頭看

樓輪次曾子固韻驚見銀河空外翻奔湍千丈
有餘寒下流不用長勞望祇向懸崖頂上看

鄭清之詩圓嶠移來東海東梵王宮在最
高峯試將法雨周沙界千丈巖頭挂玉虹

又一首並海危峯駕六鼈招提深處綠周遭繆松直
上睡龍起怒瀑飛來風虎嗥坐面亭空雲作伴待看

身與月爭高山雲意我酬
清賞爲酌冰泉讀楚騷

宋皇子詩來訪名山登古迹一亭清秀換雙瞳寒巖
碧聳高深澗素練雲飛落半空陡覺襟懷塵不染允
知景物勝難窮此山卽是
蓬萊關四顧餘華一笑中

倪復詩倚天蒼翠出崢嶸中有飛泉瀉一泓絕壑雲
高巖虎嘯千林月上野猿驚寺當絕頂丹題見徑轉

迴溪素練縈陡覺塵寰異
寥廓欲臨寒碧洗煩纓

元戴表元詩匡廬亦有千尋瀑無此凌空翠玉臺身
倚老松天上立眼看飛鳥雪中來山神禁肅難投唾

木落魂清得浣埃見說下巖
堪對望道人臨壑翦蓬萊

剡源鄉志

卷二 山類

三

汪灝詩千丈蒼崖鐵削成坐看飛瀑與雲平氣同岳
瀆風煙闊源落天河日月明端有鯤鵬奔海勢豈無
鸞鶴撼秋聲謫仙汗漫遊
何處我欲乘流起濯纓

明孫際可觀瀑布詩孤泉匹練空中擲綃宮玉繭無
停織緯冰片片落人間亂灑明霞深莫測我來目炫

雪竇泉心欲
狀之豈其然

宋琰詩倚天絕壁勢無窮上引寒泉一派
通砰湃忽驚中激斷散成飛雪下晴空

徐紹先詩千丈懸巖玉練翻天風隱隱逼
人寒不因巡牧來幽寺那得乘間一度看

沈愷詩偶逢仙侶下仙關並騎披雲笑語寬夢想十
年有此意興來今日共君看冰簾倒挂半天落玉障
橫開逼斗寒華頂赤城俱
在眼且憑高處望長安

李濂詩翠巖何巉削拔地秀千丈雷雨在其下飛泉
半空響駐筇忘夕歸翹首愜幽賞寄語西游翁無羨

仙人掌

鄔鳴雷詩飛流噴雪三千丈偶到危崖故作奇何似在山渾不動青松白石自漣漪

王惟善詩勝地靈源遠傾崖勢莫收樹標銀練合天倒玉河流秀色看將暝寒聲聽欲秋何如川上水與

此共悠悠

袁德隣詩巨靈何日劈山開一道飛泉自此來廬嶽未容誇瀑布石梁無異在天台光垂素練看生眩勢

瀉銀河挽莫回憶與能詩
陳主簿長吟同上妙高臺

舒文酉詩乘輿入名山林壑森然秀忽聞潺湲聲矯首疑天漏巉巖峭壁間飛泉與石鬪日光映水光閃

爍珠光透更如雲霧噴十里迷清晝勝景不多逢奇觀非藝觀造物似懷私藏弄諸深岫思得愚公移遊

者省裏模徘徊未忍歸月上清溪右

剡源鄉志

卷二 山類

三

陸實瀑布詩層巒躡屩翠煙生耳畔轟雷不住聲誰假神丁開半壁玉龍中斷一盂擎

周齊曾詩山到斷時水不斷遙遙花影石香流此去溪江無限路何嘗不接乳峯頭

國朝邑令但懋祺詩尋幽登絕頂四顧渺雲端壘嶂深深見層巒曲曲盤蠶叢惟鳥語仙境有龍蟠千丈懸

巖瀑飛流下急湍

江迥詩兩崖壁立石無根銀泉倒瀉天河奔飛雪亭前一俯視毛髮森悚骨冰溫嗟哉此勝知誰鑿造物

之奇下可度東澗西澗兩玉龍蜿蜒飛向巖前落巖前皎皎垂無窮中有怪石相擊沖飛珠散玉作奇響

極意擬議詞難工古人命名各良有取妙借形容雪與乳乳流玉液雪飛花一幅之中萬變衆我來披襟坐

松風銀海搖搖看難終雪耶乳耶兩莫辨但見匹練懸長空安得蕭然萬緣絕長共山僧伴寥寂雪與消

渴乳療飢習習清風生兩腋

以上後路

三記巖 在塔下村上溪中或誤以三石當之不知三石卽三巨石在丹小山中

塌巖 在三石亦名千丈巖高十餘丈大雨時瀑布流泉聲聞數里

三巨石 延祐志七 重疊而上高十餘丈危險欲墜一縣之

石無奇於此

以上中路

暘聖巖 在石門將軍山中屹然特起高十餘丈下俯浚谷險不可測水從銀阮嶺來者環繞其下左右山壁立巉削山麓畦塍錯雜前則羣峯簇聚曠覽無際

剡源鄉志

卷二 山類

三

爲一村之勝景 石門毛譜

以上前路

岡

龍祠岡 距茅洋頭七八里中有雙峯潭

風門岡 在三石廟後

嶂

龍角嶂 在北溪

灣

榧樹灣 周貞靜結菴於此

明周齊曾築瓢柏阮榧樹灣詩草草溪山略翦裁松
分一屋見株梅多開牖爲通花氣不放樵因護竹胎

但有石同天外立可與人話此中來飄飄羌勝巢林
燕剩得香泥逐到顛 綠扶遙天峯不開一峯開見
數峯迴未裁五柳先培竹補種多梨待續梅伴我影
憑月送出添人迹自鳥分來何須更事晨昏課擾擾
魚聲萬
木堆

谷

小盤谷 在兩湖元陳子翬居其中

畧

竺家畧 在相阮深五里互詳氏族

倪家畧 本堂集 深五里互詳氏族

周家畧 在塔下

剡源鄉志 卷二 山類

三

黃洞畧 在三石深六里

鄭家畧 在三石宋祕書監陳著墓葬於此 參鄞志

小千畧 近公塘半屬禽孝半屬剡源深十里小畧不

計其數故名互詳氏族 以上中路

中華畧 深五里互詳氏族

長錫畧 剡源集 今莫詳其處

董家畧 詳氏族 以上前路

高畧 剡源九曲之一互詳氏族 以上後路

阮

桃花院 詳見桃花院山

案桃花院疑在董村方與寶慶志所云中有平田數百畝相合黃梨洲全鮎埼以為在三曲兩

湖者似誤

宋釋足菴詩地僻人居少林深路轉迷桃花流水細不異武陵溪

明李濂詩高僧飛錫地錦石多桃花吾非句漏令乃此逢丹砂雲中吠仙犬洞底流胡麻定有逃秦者人

煙隔暮霞

陸寶詩桃花深淺色乃在石壁上苔黏落似遲日炙嬌相向執有既非繪觀空併無相瀉川悟道時半偈

留方丈

剡源鄉志 卷二 山類

三

柏院 剡源九曲之一 康乾二志同

洞

長灣洞 在三石黃洞嶽長灣山中可容坐二十餘人

丹霞洞 在丹小山中 案康熙志作詳丹小山

明汪綸詩溪上栽桃滿洞花洞門石壁掩丹霞茫茫流水空仙迹寂寂秋山度歲華古木垂蘿長拂地野

猿生子亦成家乾坤已入昇平久莫為秦人理釣槎

釋穎詩山無鳳凰飛洞有仙人迹蝙蝠大如鴉莓苔偏上屐自慙無道骨安問緣雲客

釋真承詩半泓源澈那能窮一勺隨朝海眼通自是鍊丹人去後百千衲子飲生風

周齊曾詩山身即大士水月涵其腹禪僧苦未脫俗

國朝江河迥詩為深幽勝步層巖赤水丹山別有天人識
煙霞留古篆我疑秦漢有遺編雲根泉澗龍方蟄洞
口風寒鳥不前卻羨當年
張果老居然到此夢神仙
以上中路

黎洲洞 洞有黎洲 乾道圖經 黃鼎序 水東出句章 延祐志七

國朝孫事倫黎洲洞天詩四明三洞天黎洲居其一真
人魏道微治之為仙室漠漠溪沙中仙物時會出鏗
然響白坪恍自諧鐘律俯仰境界寬來
往遊蹤逸移署黃太冲仙術成儒術

金井洞 縣西七十里即茶院 延祐志七 巖壁如削瀑布如

虹瀉於潭外有石平行可容百餘人盛夏無暑與隱

潭齊勝 康熙志

案洞在巖院之麓康熙志以為在佳嶺之麓誤

剡源鄉志 卷二 山類

美

設僧洞 縣西六十里 嘉靖志 距董村證道寺故址半里

許

案康乾二志誤作西北 以上後路

石門洞 縣西南六十里 延祐志七

宋樓鑰詩扁舟百里連城回青山中斷立兩崖清都
虎豹隱不見但見闐闐排雲開峯回失喜大飛瀑聲
震萬壑驚春雷掀髯日極九霄外玉虹千丈飛空來
一冬青女斬天雪不知聚此山之隈傳聞神龍臥其
上竇藏擊碎真瓊瑰胸中先自無塵埃到此更覺心
崔嵬天風為我嘖空翠春水寫入騷人懷謫仙曾來
寫勝句剡郎又為開天台我慚筆無挽牛力醉墨滿
壁誰為裁或言龍湫更奇絕雁山高處深雲埋我方
攜筇往尋訪未知此何如哉
以上前路

嶺

赤泥嶺

縣西四十里

嘉靖志○康乾二志同

元戴表元詩種桑三年寒得衣養犢作牛堪挽車生男祇解戀鄉土五日溪船催父歸前行倉庚後杜宇去家漸近聞鄉語恨身不作用舍兒騎竹搏泥繞牆戶人生衣食取裁足阿奴碌碌徒囊橐獻書覓舉真下策年少奔馳頭已白君不見燕山萬里客更難赤泥嶺上春風寒

啤嶺

近沙隄

雪竇嶺

沙隄往雪竇之路長十餘里半屬禽孝

明宋琰詩逼人寒氣曉棱棱躡石捫蘿力倦登十里松風聽欲盡磬聲猶在白雲層

趙家嶺

徐家步頭往小干畧之路

剡源鄉志

卷二 山類

三

康家嶺

康乾二志同

今省作康嶺

西隅嶺

距縣五十五里

下汪嶺

距縣五十六里

三石嶺

距縣六十里長五里

阜茨嶺

在相阮村上

六詔嶺

寶慶志作陸照

縣西一百里

康乾二志同

詳古蹟

案今六詔不名嶺六詔以上五里曰晚響嶺晚響嶺以上十里曰剡界嶺然一地名至少五里多或十餘里寶慶志以陸照嶺為界是今六詔

以上至剡界嶺通名陸照嶺也

晚響嶺 土人作萬鄉嶺孫竹灣集中作飯香嶺邑令

韓培乾作萬象嶺

題右軍廟聯有嶺含萬象之句

剡界嶺 與新昌接壤兩縣界石在焉

案奉化界年前被爐戶張昌順移至新昌二丈有餘

九雷嶺

縣西九十里

嘉靖志

其下為火燄嶺

案嘉靖志康乾二志俱載九雷嶺縣西九十里查九雷嶺屬嵯縣當時斷無以嵯地而收入奉

剡源鄉志

卷二 山類

三

化之理今六詔上又另出一火燄嶺路通九雷嶺然則火燄嶺即九雷嶺也當時合而為一後人分而為二亦猶石門村後下半條名扁擔嶺上半條名菱湖嶺云

謝婆嶺 在石橋頭長二里

銅版嶺 在西畧長十里

東赤塢嶺 在黃沙阮長八里接新昌界

老鼠嶺 在黃沙阮

沙阮嶺 六詔往黃沙阮之路長十里

磨石嶺 距縣一百里接新昌界

白沙岡嶺 六詔往西畧之路長十里

以上中路

避水嶺 近許家岸

廓浪嶺

剡源集

今不知改名何嶺

瓦嶺

在榆林

剡源集

穀垓嶺 近董家坪長七里

下畧嶺 在巖頭長二里

寺後嶺 在西峯寺後長五里

風壘嶺 在東阬長十里

剡源鄉志

卷二 山類

三

茅垓嶺 在謝監山長五里

豬頭嶺 近界嶺長八里接連山界

烏龜嶺 在中華畧長五里

張家嶺 近界嶺長五里

界嶺

縣西七十里

嘉靖志

今名寒風嶺長七里

案由張家嶺至界嶺祇二條嶺無三條嶺今張

家嶺麓有村曰界嶺從巖頭遷居於此不過百

年以外又別出寒風嶺然則寒風嶺卽界嶺也

且所謂界者與連山爲界也以界嶺爲村名起

於近時以界嶺爲寒風嶺不知起於何時

銀阮嶺 在石門長十里

周家嶺 在石門長十五里其陽名長嶺屬連山

石嶺 在石門長五里

箭嶺 在石門南溪廟下非連山之箭嶺也

菱湖嶺 下半條名扁擔嶺長十餘里 以上前路

百步階 四明山志作街 亭下往雪竇之小徑長十里

小晦嶺

宋高元之詩路自崎嶇心自平雲扁無鎖但徐行松風石溜含悲怨中有樵夫度嶺聲

剡源鄉志 卷二 山類

罕

虬祠嶺 在馬村

彈石嶺 近馬村

環潭嶺 近環潭

白壁嶺 近白壁

毛顛嶺 縣西六十里四明山之南接大小晦崎嶇澗

谷行者艱阻宋紹興初有毛居士者鑿崖以便民旅

之往來 寶慶志 遂以名嶺 延祐志 竺君大本題其崖曰

鑿破巖崖砥樣平要令民旅得通行爲君題作毛顛

嶺留取毛顛千古名 寶慶志

十四

大晦嶺 距縣六十五里

松門嶺 在畧底

住嶺 縣西六十里嶺在山谷間早晚不見日正午可

行 康熙志

案六十當作七十今則早晚亦可行矣

碇嶺 近住嶺

立石嶺 在董村

三折嶺 董村往北溪之路長二十里

案竺譜折作褶

剡源鄉志

卷二 山類

一

龍華嶺 近巖院長十里

東陳嶺 在西晦溪

九曲嶺 在西晦溪

烏龜嶺 在西晦溪

進巖嶺 在巖院長十五里皆烏道

南背嶺 近唐田

界牌嶺 近唐田

深阮嶺 棲霞阮往唐田之路長十里

烏巖嶺 湖潭往唐田之路長十餘里最險峻

和合嶺 北溪往黎洲之路長十里最險峻

黃積嶺 在黎洲

踟躕嶺 本堂集 在徐鳧巖之北半屬禽孝

案四明山志鄞志作躊躇康乾二志作趙趨界

鄞奉之間故鄞志亦收之

宋陳著詩石路崔嵬雲上頭北雲南雪此鴻溝誰人題作踟躕嶺不到山心不當遊

明王挺詩秋日澹平蕪登攀興不孤翻疑盤谷道還是輞川圖嵐氣諸峯合溪容眾壑殊何人乘款段四

顧為躊躇

錢文薦詩峻嶺終須陟躊躇且莫前松聲寒帶雨石氣溼生煙立馬崔嵬外聽鴻慘澹邊溪南舊茅屋冷

剡源鄉志

卷二 山類

望

落已多年

唐興嶺 縣西一百里通紹興府界 嘉靖志 乾隆志同 今訛曰

唐塢嶺 嶧縣志作堂塢更誤

案獨樂石裏屬嶧縣康熙志作一百一十里 以上

後路

垓 山坳岡脊有通路者 見越諺

巖阬垓 棲霞阬往巖阬之山徑

馬鞞垓 西隅往馬村之山徑

塢

桃花塢

其菴爲孤峯德所結在俞村

四明山志

薛冢塢

在董村宋竺願葬此

漫塢

在六詔山中詳龍湫

筠塘塢

有孝義菴

長男文衡校字

剡源鄉志

卷二 山類

三

補

丹小山

慈谿徐灝丹山赤水洞天考地理之學憑目驗而不憑臆度如丹山赤水洞天張君房雲笈七籤以為在越州上虞宋政和六年書潺湲洞外祠宇觀門勝曰丹山赤水洞天而元道士毛永貞因之作四明洞天而孰知其其在四明山之南乎奉化縣志云丹小山四明山之南有巖竇風從竇出雖盛夏無暑氣俗號風洞雲笈七籤所謂四明洞天丹山赤水是也又永樂志云剡源三石邨有三巨石下有洞上有丹霞二字如宋書今各丹霞洞考陳本堂題丹霞洞詩有云丹山高處坐龍宮又復越悟本寺主僧文蔚詩有云師歸古越老梅根我住小丹山下邨本堂為剡源三石人則丹山赤水在剡源三石明矣故陳汝海剡溪九曲圖記云又東為三石有巨石三臺溪澗三峯插雲

剡源鄉志

卷二

山類

器

石室可坐數十人上有丹霞二字儼若朱書內則有洞洞深不可測識風蓬勃中出禱則化旱為雨所謂丹山赤水之天也金華戴氏良亦有記與此略同陳象賢九曲詩有五曲盤回小洞天之句陳子經長洲思歸詩有我桑我梓實為丹山之句戴剡源吳月湖棄官入道詩亦有吾廬他日能遊否玉樹瓊枝滿洞天之句此皆丹山赤水洞天在剡源之確證也梅福四明山記云四面二百八十峯周回八百餘里木華記云四面各有七十峯相連如屏王伯厚四明七觀賦序云由鄞小溪而上者為東四明由餘姚而上者為西四明由奉化雪竇以入者謂之四明山心而剡源之丹小山為四明南面之一峯實南四明也故古來稱丹山赤水洞天者莫不渾言其地在四明○如蜀杜光庭唐司馬子微宋史潘王應麟明沈嘉則皆渾言其地在四明○以其皆非目驗自不得不渾言出之矣而陳戴諸公則皆剡源之產生長於丹山赤水洞天中日驗而知故能言之詳悉如此

孫可莘丹山赤水洞天考任昉述異記云人間三十六洞天知名者十耳餘二十六天出九微志不行於世也而丹山赤水洞天則在吾奉化剡源第五曲之三石村古今記載實有歷歷可據者焉晉木元虛四明山記云天下洞天三十六四明第九其號曰丹山赤水蜀杜光庭洞天福地記云天下三十六洞天九曰四明各丹山赤水之天唐司馬紫微云第九四明山洞名丹山赤水天真人刁道林治之其初總名天台山此三說者皆渾言丹山赤水洞天在四明者也宋張君房雲笈七籤云三十六小洞天第九四明山洞周回一百八十里名曰丹山赤水之天在越州上虞縣是說也殆由後漢劉綱曾爲上虞令而附會之歟初白君有仙術隱於潺湲河側洞棄官同妻樊氏從之學道後飛舉於大嵩山卽於此建觀焉張氏之說蓋本此故宋政和六年徽宗書剡樊故居門榜曰丹山赤水洞天蓋與張氏同誤矣竊謂張君房之說宋徽宗之書大抵如孫興公之於天台李青蓮之於天姥宋高宗之於雪竇遙揣懸度想當然之辭耳不

剡源鄉志

卷二 山類

聖

足據也今試卽其可據者引而證之元陳沆剡溪九曲圖記云又東爲三石有巨石三轟瀛溪澗三峯插雲石室可坐數十人上有丹霞二字儼若朱書內有石洞洞深不可測識雲笈七籤所謂丹山赤水之天也其證一元戴良剡源九曲圖記云第五曲其境尤勝大抵異石最多岬然洼然若垤若穴而穹然若室其大可坐數十人上有丹霞二字隱隱如硃書有洞窈然入之甚寒問其深則雖好遊者不能窮也謂之丹山赤水之天也其證二元陳子翬剡溪九曲圖詩云五曲盤回小洞天乾坤清氣閒生賢蛟龍尙有風雲會突兀丹霞鎖暮煙其證三元陳基九曲詩云五曲粼粼三石溪雲深結屋可幽棲羽人輕舉今何在空有丹霞古字題按羽人卽指刁道林也其證四奉化縣志云丹小山四明山之南有巖竇風從竇出雖盛夏無暑氣俗號風洞雲笈七籤所謂四明洞天丹山赤水是也其證五四明山志云丹小山有三巨石覆洞上有丹霞二字自然朱書故洞曰丹霞村曰三石巖隙流水皆赤其證六鄞縣志引全謝山湖語云古

今之評水者多矣其尚赤者我蓋未之前聞獨剡源之五曲忽孕爲丹霞之古文迤流成雷來歸於三石之邨嫣然其色幾疑流火之可捫更有石壁之遙映儼若割羊之痕其證七有此七證則丹山赤水洞天之在吾奉化夫固信而有徵矣若夫嵎邑有丹池赤水象山有丹山赤水均無洞天名目則均與洞天無涉也

陳育姜丹山赤水洞天考自來著名之古人文人學士往往爭爲郡邑光如賀季真甯產也而紹人以爲紹產吾遠祖諱著奉產也而鄞人以爲鄞產著名之古蹟亦然丹山赤水洞天本在吾邨而張君房雲笈七籤云三十六小洞天第九四明山洞周同一百八十里各曰丹山赤水之天在越州上虞縣真人刁道林治之紹人因此以爲紹地矣而孰知丹山赤水洞天之本在吾邨乎昔吾始祖諱棠於唐末自長安使吳越遭亂不能還錢氏留爲奉化尉於剡源第六曲之茅渚卜居焉越數世又遷於丹山赤水洞天之下

剡源鄉志

卷二 山類

巽

卽今三石村也著之子諱沆作剡溪九曲圖記有云又東而爲三石有巨石三矗瀟溪澗三峯插雲石室可坐數十人上有丹霞二字儼若朱書內則有石洞洞深不可測識風蓬勃中出怒則撼山拔木禱則化旱爲雨雲笈七籤所謂丹山赤水之天也予家其下同時吾宗有子輩者九曲圖詩亦云五曲盤回小洞天乾坤清氣間生賢蛟龍尚有風雲會突兀丹霞鎖暮煙金華戴良亦述吾遠祖子經之言云至第五曲則其境尤勝大抵異石最多岬然洼然若垤若穴而穹然若室其大坐數十人上有丹霞二字隱隱如朱書有洞窳然入之甚寒問其深則雖好遊者不能窮也謂之丹山赤水之天也而赤水不常有也此蓋吾六世祖隆國文簡公之所居也皆可爲丹山赤水洞天在吾邨之證 國朝黃梨洲四明山志云丹山小山上

有丹霞二字自然朱書故洞曰丹霞村曰三石巖隙流水皆赤又云殺羊巖赤壁數里與溪流相映是皆丹山赤水之證全謝山湖語云古今之評水者多矣其尚赤者我蓋未之前聞獨剡源之五曲忽孕爲丹

霞之古文迅流成雷來歸於三石村嫣然其色幾疑
流火之可捫更有石壁之遙映儼若封羊之痕此亦
大造之奇不可以常理論注曰剡源九曲其第五曲
曰丹山赤水卽今之三石村也絕頂有朱書丹霞二
字其流赤其聲如雷黃全二公號稱精博並以丹山
赤水爲在吾村則益見吾遠祖之語之皆爲實錄矣

剡源鄉志

卷二

山類

七